



Synfocity = 1046

mail us at : mzsynfo@gmail.com; mizoramsynod@gmail.com - Phone - 2314648

August 13, 2026

- ❑ **SL&PB buatsaih Library tha, thuziak tha leh thawnthu inphuahsiak lawmman semna neih a ni**
August 11, 2026 (Thawhlehi) chawhnu dar 2 khan J.M. Lloyd Hall, Synod Office-ah Synod Literature & Publication Board (SL&PB) buatsaihin kum 2025 chhunga Library tha, Kristian Tlangau thuziak tha leh thawnthu inphuahsiak lawmman semna neih a ni.

Programme hi Rev. PB Zosaphara, SL&PB Editor-in a kaihrui a, inhmelhriattirna neih a nih hnuah result puan a ni. Library tha leh Kristian Tlangau thuziak tha lawmman hi Rev. John Raldosanga, Synod Moderator-in a hlan a, Thawnthu inphuahsiak lawmman hi Rev. Dr. K. Lallawmzuala, Executive Secretary i/c SL&PB-in a hlan baw. Lawmman hian pawisa, thuziak hun mawi leh Lehkhabu a keng tel a ni.

Lawmman dawngtute chu:

I. Thuziak tha:

1. Rev. PC Pachhunga, Mission Vengthlang
Thupui : Ka pe zel dawn
2. Upa Dr. Lalthlamuana, Mualpui Bethel
Thupui : Media leh Rawngbawlina
3. Upa Lalsavunga, Vanghmun, Tripura
Thupui : Kan Mamawh - Sual sim harhna

II. Library tha:

A. Aizawl chhung

1. Vaivakawn Kohhran
2. Mission Veng Kohhran
3. Venghlui Kohhran

Consolation prize hi Kohhran 13-in an dawng.

B. Aizawl pawn

1. Mamit Kohhran
2. Lunglei Ramthar Kohhran
3. Champhai Bethel Kohhran

Consolation prize Kohhran pakhatin a dawng.

III. Thawnthu inphuahsiak:

1. Lalhruiatluanga, Salem Veng
Thupui : Duhthlanna
2. Malsawmzeli, Bethlehem North
Thupui : Tlai ngailo Pathian
3. Lalremruati, Ramhlun Sport Complex
Thupui : Ka phone-in min tawngtai sak

Consolation prize mi 7-in an dawng baw.

Library tha leh Kristian Tlangau thuziak tha thlanna hi Synod Inkhawmpui 2023-in 'Lehkhabu tha chhiar lama tan lak thar ni se,' tia a lo rel tawh bawhuina kal zel a ni. Kristian Tlangau-a thuziak tha thlanna leh Library tha thlanna hi kumtin kalpui tura ruahman a ni.

- ❑ **Presbyterian English School (PES)**

August 7, 2026 (Zirtawpni) khan Champhai Zotlang North Kohhran Hall-ah One Day Teachers' Training neih a ni a. Training-ah hian PES 26 atangin zirtirtu 290 chuang an kal a ni. He One-Day Training-ah hian Pu Rosiamliana Ralte, Ex-Vice Principal (DIET), Pi C. Januari, Jt. Secretary, ETF leh Dr. J. Lalsangzuala, Asst. Professor, IASE te chu resource person an ni. Training neih pah hian Upa P.C. Vanlalhrui, Supervisor of Schools chuan Tlangsam PES leh Hmunhmeltha PES te a tlawh nghal baw.

❑ **KTP**

- ♦ August 8-9, 2026 khan Bungtlang Bialah Leadership Training neihpuin committee member-te, T.Upa Lalremsiama Khiangte, Dr. C. Lalchhanhima, Tv. Lalbuatsaiha Khawlhing leh Pu Elisianmawia te an kal.
- ♦ August 10, 2026 (Thawhtanni) zan khan Ngopa Bialah Leadership Training neihpuin Pu Lalruatpuia, Asst. Secretary leh committee member-te, Tv. Vanhmingthanga, T.Upa C. Rohmingliana, Pu H. Lalchungnunga leh Tv. B. Laldinpuia te an kal.

❑ **Synod Hospital, Durtlang**

August 12, 2026 (Nilaini) khan College of Nursing, Synod Hospital, Durtlang chuan Dr. S.R Ranganathan, Father of Library Science piancham hriatrengna National Librarian's Day lawmna chu Nursing College Hall-ah an hmang. He hunah hian Pi R.C Lalrengpuui, Principal-in inlawmna hun a hmang a, Dr. Lalbiaksanga Hnamte, Librarian-in introduction leh Library reports a pe a. Resource Person, Dr. S. Lalnunpuia, College Librarian, Govt. T. Romana College-in National Librarian's Day theme: Libraries: Connecting People, preserving knowledge, Empowering the Future tih thupui chu a sawi a, College zirlai leh thawktuten an hlawkpui hle. Ms Ramdinmawii, Tutor-in lawmthu sawiin he hun hi a khar a ni. National Librarian's Day programme hi zirlai ten lehkhah chhiar an uar lehzual nan leh Library hmang tangkai lehzual tura inzirtirna atana programme tangkai tak a nih avangin kum tinin an hmang thin a ni. A lawmna kalzel atan Signature campaign leh Poster design competition hmanga chhunzawm zel tura ruahman a ni.

❑ **MSSU**

August 15, 2026 (Inrinni) hian Sunday School Zirtirtu training neihpui turin trainer-te hetiang hian an chhuak ang:

Champhai Kahrawt Bial	Upa K. Zoremsanga, Upa Lalsiammawia Pachuau leh Upa Isak Zarzoliana Chhange
W. Phaileng Dinthar Bial	Upa K. Vanlalnghaka, Upa Zionparlawma leh Upa Danny Lalremmawia

❑ **Social Front**

- ♦ August 15-16, 2026 chhung hian Zote Bialah Drug Awareness Campaign nei turin campaigner-te, Rev. Zaithanmawia Pachuau, Rev. R.C. Lalchhuanthanga, Rev. R. Lalawmpuia leh Upa H. Ngurthansanga, te an kal ang.
- ♦ August 16, 2026 (Pathianni) hian Teenage For Christ, Bungkawn High School Veng Kohhranah Moral reform inzirtirna nei turin Rev. H. Vanlalhriata, campaigner a kal ang.
- ♦ August 16, 2026 (Pathianni) hian Salem Mualpui Kohhranah Social Media hman chungchang inzirtirna nei turin Rev. Dr. Lalrokhuma Hmar, campaigner a kal ang.

❑ **Synfo**

Synod Information & Publicity Department (Synfo) leh Central KTP tangkawp chuan kumin hian Praise On 2026, Mal Zai Intihsiak a buatsaih leh dawn a, he intihsiakna hi Mizoram pum huap a ni dawn a, Presbyterian Kohhran, KTP member-te tan tel theih a ni ang.

Praise On 2026, Audition round hi August 24-27, 2026 chhungin Video thehluh tur a ni a, September 4, 2026-ah result puan a ni ang a, second round chu September 21-25, 2026 chhungin neih a ni ang a, second round atangin Top 50 thlan chhuah a ni ang a, Top 50 intihsiak chu October 21-23, 2026 chhungin neih a ni ang a, Top 50 atangin Top 10 thlan a ni ang a, Final round a ni nghal ang. Top 10 intihsiak chu November 19, 2026-ah neih a ni ang a, November 20, 2026-ah Result puan a ni ang.

Synfo leh Central KTP tangkawp buatsaih Praise On hnu hnung ber chu 2024 khan neih a ni a, Mal zai intihsiak bakah Group Zai intihsiak te, Band Intihsiak te leh Bial Zaipawl Festival te a lo buatsaih tawh bawk.

❑ **Zin**

August 13-25, 2026 chhung hian Field Committee nei turin Arunachal East, West, North leh Upper Assam Field-ah te Rev. R. Lalhmingsanga, Secretary, SMB leh committee member-te, Rev. R. Lalrinsanga leh Upa R. Lalhmangaiha te an kal.

❑ **Synod Relief Fund**

Tun hnaia harsatna hrang hrang tawkte hnenah Synod Relief Fund atangin hetiang hian chhawmdawlina pek a ni.

S.No	Khua/Veng	Pek chhan	Chhungkaw zat	Pek zat
1.	Darlak Bial	Harsatna taw	6	₹ 60,000/-
2.	Airfield veng	Damlo	3	₹ 30,000/-
3.	Chhiahtlang Venghlun	Damlo leh khawsak harsa	2	₹ 20,000/-
4.	Thingsai	Leimin tuar	1	₹ 12,000/-
5.	Darlawng	Damlo	1	₹ 10,000/-
			Belh khawm	₹ 1,32,000/-

❑ **FM Zoawi - Aizawl & Lunglei : Hruaina Eng Radio Programme**

August 14, 2026 (Zirtawpni) @ 7:30 p.m. :

Solo : Laldusaki - Ring la i nung ang
Zaipawl : Lunglei Presbyterian Choir - Ka hrethiam tawh ang
Thusawi : Upa K. Lalrinthara - Tihtak zeta Lalpa rawngbawl
Solo : Biakdika (BD-a) - Min chhanchhuak ta
Zaipawl : Khatla Bial Zaipawl - Ka natnate a phur

❑ **Hruaina Eng TV Programme**

13.8.2026 (Ningani) 08:30 pm : Thupui zir bing
14.8.2026 (Zirtawpni) 05:00 pm : Kristian Naupang Pual
15.8.2026 (Inrinni) 05:30 pm : Puitling Sunday School Zirlai
16.8.2026 (Pathianni) 07:00 am : Sermon - Upa JMS Dawngliana, Darlawn Chhimveng
18.8.2026 (Thawhlelni) 06:00 pm : Nilai zan thupui
08:30 pm : Kohhran Chanchin - Serchhip Kawnpui Kohhran

❑ **Moderator leh Executive Secretary-te Programme :**

Rev. John Raldosanga, Moderator Programme:

Aug. 14, 2026 Kristian Hla Bu thar release
Aug. 15, 2026 E. Lungdar Venghlun Kohhran
Aug. 16, 2026 E. Lungdar Bial
Aug. 21, 2026 PBS Graduation Day
Aug. 22-23, 2026 Damparengpui Bial

Rev. Dr. V.L. Luaia Hranleh, Senior Executive Secretary Programme:

Aug. 16, 2026 Venghlui Kohhran - Fiannee Campaign
Aug. 21, 2026 PBS Graduation Day
Aug. 22, 2026 Sihphir Bial - Kohhran Committee Seminar
Aug. 23, 2026 MZU Veng Kohhran (Zan)

Rev. Dr. K. Lallawmzuala, Executive Secretary Programme:

Aug. 14, 2026 Kristian Hla Bu thar release
Aug. 16, 2026 Hlimen Kohhran (Chawhma leh Chawhnu)
Synod Rescue Home, Durtlang (Zan)
Aug. 22, 2026 Zirlai Viltu Orientation

Rev. Dr. Rosiamliana Tochhawng, Executive Secretary Programme:

Aug. 17-23, 2026 Zin programme nei lovin Office-ah a awm ang.

RAWNGBAWL HNA RUAK DIL THEIH

Jordan Centre, Sethawn-a thawk turin a hnuaia tarlan rawngbawl hna hrang hrangte hi Mizoram Presbyterian Kohhran mi, rawngbawl tura Pathian kohna hria, kum 18 - 35 inkar tan dil theih a ni.

JORDAN CENTRE, SETHAWN-A THAWK TUR :

1. Hna hming : Counsellor Post - 4
Thiamna : DCPC / M.A. (Psychology) / Counselling-a experience nei tha
Hlawh : ` 19,000/- (Fixed)
2. Hna hming : Driver Post - 2
Thiamna : Pawl 8 pass LMV Driving License nei
Hlawh : ` 18,000/- (Fixed)
3. Hna hming : Cook Post - 4
Thiamna : Pawl 8 pass
Hlawh : ` 15,000/- (Fixed)
4. Hna hming : Grade IV Post - 4
Thiamna : Pawl 8 pass
Hlawh : ` 15,000/- (Fixed)
5. Hna hming : Security Post - 12
Thiamna : Pawl 8 pass
Hlawh : ` 15,000/- (Fixed)

HRIATTUR PAWIMAWH TE :

1. Jordan Centre-a thawktute hi fixed pay veka rawih tur an ni a. Kum khat chhung atan a ni ang. Thawktute hamthatna tur te - Medical reimbursement, Chawlh (leave), Service Gratuity leh Pension te pawh ngaihtuah sak theih an ni ang. Thla khata ` 21,000/- hlawh pha lote chu ESIC (Employees' State Insurance Corporation) zawmtir tur an ni ang.
2. Thawktute hian Centre-ah awm chilh vek tur a ni a. Quarters luah man, tui leh electric hman man te chawi a ngai lovang.
3. Heng hna dil duh chuan Plain paper-a ziakin mahni lawina Kohhran Secretary hnenah hriattir tur a ni ang a, Kohhran Secretary-in Synod Social Front Office-ah WhatsApp-in a rawn thehlut ang. (WhatsApp. a thehluhna tur chu Lalsangkima Ralte, Asst. Co-ordinator, SSF Mobile No. 87298 80022-ah a ni ang)
4. Dilna hi September 4, 2026 (4:00 p.m.) thlang thehluh theih a ni ang.
5. Interview hun leh hmun :
A hun : September 8, 2026 (Thawhlehi) 10 : 00 a.m.
A hmun : Committee Room - 1, Synod Office, Mission Veng.

